

**6 НОЯБРЯ: Празднование Пресвятой Богородице святыя ради
иконы Ея, именуемая «Всех скорбящих Радости».**

Вечером 5 ноября

Изменяемое №1

На Господи воззвах:

Стѹх: Изведи из темницы душу мою, исповедатися имени Твоему.

Стѹх: Мене ждут праведницы, дондеже воздаси мне.

Стѹх: Из глубины воззвах к Тебе, Господи, Господи, услыши глас мой.

Всем предстательствуеши, Благая,/ прибегающим с верою в державный Твой покров:/ иного бо не имамы грешнии к Богу в бедах и скорбех присно избавления,/ обременени грехи многими,/ Мати Бога Вышняго./ Темже Ти припадаем:/ избави от всякаго обстоящая рабы Твоя.

Стѹх: Да будут уши Твои внимлюще гласу моления моего.

Всех скорбящих Радосте,/ и обидимых Заступнице,/ и алчущих Питательнице,/ странных утешение,/ обуреваемых пристанище,/ больных посещение,/ немощных покрове и Заступнице,/ жезле старости,/ Мати Бога Вышняго Ты еси, Пречистая:/ потщися, молимся, спастися рабом Твоим.

Стѹх: Аще беззакония азриши, Господи, Господи, кто постоит; яко у Тебе очищение есть.

Глас 4: Радуйся, Богомати Пречистая;/ радуйся, верным надеждо;/ радуйся, миру очищение;/ радуйся, избавляющая от всяких скорбей рабы Твоя;/ радуйся, пристанище обуреваемым;/ радуйся, всемирный свете;/ радуйся, Утешительнице и Заступнице христиан;/ радуйся, прибежище и спасение всех блажащих Тя, Богоневесто.

Стѹх: Имене ради Твоего потерпех Тя, Господи, потерпел душа моя в слово Твое, уповал душа моя на Господа.

Радуйся, доброты Иаковля,/ Юже избрал Бог, Юже возлюби,/ дверь спасаемых, клятвы разрешение, Всеблагословенная,/ чрево Боговместимое, падших возведение,/ святейшая Херувим и тварей преимушная,/ огнезрачный Престоле Владычней,/ всемирная радосте

и славо,/ колеснице Слова, облаче, из негоже возсия Солнце,/ сущим во тьме подаю велию милость.

Стѹх: От стражи утрення до нощи, от стражи утрення, да уповает Израиль на Господа.

Глас 8: Радуйся, Ангелов радости;/ радуйся, человеков славо;/ радуйся, верных надеждо и предстательство,/ стено и заступление, Владычице Богомати Пречистая,/ Яже Бога плотию неискусомужно рождшая, Избавителя миру;/ не презри рабы Твоя,/ но мольбами Твоими от одержавших нас избави искушений, и бед, и обстояний,/ всех скорбящих Радосте,/ едина христиан прибежище.

Стѹх: Яко у Господа милость, и многое у Него избавление, и Той избавит Израилья от всех беззаконий его.

Радуйся, Богородице Всепетая;/ радуйся, источнице, живот верным источаяй;/ радуйся, всех Владычице и Госпоже твари, Благословенная;/ радуйся, Всенепорочная, Препрославленная;/ радуйся, Всепречистая;/ радуйся, купино неопалимая;/ радуйся, горо святая;/ радуйся, саде живоносный,/ радуйся, раю одушевленный;/ радуйся, Мати Дево;/ радуйся, Богоневесто.

Стѹх: Хвалите Господа вси языцы, похвалите Его вси людие.

Радуйся, Богородице, Мати Христова;/ радуйся, едина надеждо, человеков Заступление;/ радуйся, свещнице Света пресветлый;/ радуйся, свеще освященная;/ радуйся, огнезрачный чертоже Слова;/ радуйся, Божественное селение;/ радуйся, радости источнице,/ источаяй воды благодати притекающим к Тебе.

Стѹх: Яко утвердися милость Его на нас, и истина Господня пребывает во век.

Радуйся, вселенная похвало;/ радуйся, храме Господень,/ радуйся, горю приосененная;/ радуйся, всех прибежище,/ радуйся, свещнице златый;/ радуйся, славо православных честная;/ радуйся, Марие, Мати Христа Бога;/ радуйся, раю; радуйся, Божественная трапезо;/ радуйся, сене; радуйся, стамно всезлатая;/ радуйся, всех упование.

Слава, и ныне, глас 6: Приидите, празднлюбных собори,/ святую Деву Богоотроковицу ублажим:/ радости бо и спасения Ходатаица бысть миру,/ яко рождшая Христа Бога./ Сию бо Отец

Пребезначальный,/ от всех родов едину избранную, Дщерь Себе именовá;/ Сын Собезначальный и Соприсносущный в Матерь избрá;/ Дух же Святыи́ яко Пречистую Невесту Себе Боголепно сочета́./ Сию яко Богоизбранную и Благословенную в женах/ Вышня́я силы немолчными песньми величают,/ Гавриила имуща Чинопачальника:/ Благодатная, радуйся, с Тобою Господь./ Сию́ патриáрси, пророцы и вси святии/ со пророком Давидом радостными гласы венчают:/ предста Царица одесную Тебе, Владыко,/ рясны златы́ми одеяна/ и преукрашена Божественными благоле́потами./ Сию, яко державную Заступницу рода нашего,/ и мы, недостойнии, воспоим, глаголюще:/ радуйся, Церкви чúдное украшение/ и всему миру предивный покрóве;/ радуйся, похвалó и радости всех земнородных;/ радуйся, Божественное утешение всех скорбящих и обидимых;/ радуйся, Обрадованная, с Тобою Господь,/ подай мíрови Тобою велию милость.

<далее см. основной Чин>

Изменяемое №2

Прокíмен после «Свёте тíхий»: *См. Прокимен дня <далее см. основной Чин>*

Изменяемое №4

Лития *глас 8:*

Предстательнице верных, Богородительнице,/ скорбящих Радосте и плачущих великое утешение,/ моли Сына Твоего, Христа Бога нашего,/ со Ангелы, и Апостолы, и всеми святыми/ избавити нас в час испытания лютаго осуждения,/ да Тобою спасение улучívше,/ во веки славим Тя, Преблагословенную.

Верою притекаю к покрову Твоему, Богородительнице Пречистая:/ от напастей, и бед, и страстей томлénия,/ и бесовскаго озлобления спаси мя,/ яко милости имущи пучину и спасения явльшися Ходатаица,/ Владычице, Яже Бога рождши Милостиваго,/ единого Всещедраго и Многоблагоутробнаго.

Красную Тя, Всечистая,/ едину от века обрёт добрóту Иáковлю Пребезначальное Слово/ и, вселився в Тя благоутробия ради,/ обнови человеческое естество:/ егоже моли непрестанно/ от всяких бед и скорбей избавитися нам,/ Тя радость и спасение мира почитающим.

Небесную дверь и кивот,/ всесвятую гору, светозарный облак
воспойм,/ Небесную лестницу, словесный рай,/ Евино избавление,
вселенная вся великое сокровище,/ яко спасение в Ней соделася
мирови/ и оставление древних согрешений./ Сего ради вопием Ей:/
моли Сына Твоего и Бога прегрешений оставление даровати/
благочестно покланяющимся Тебе/ и с веселием торжествующим
Твой всечестный праздник,/ славо и радости наша, Богомати
Благословенная.

Слава, и ныне, глас 5: Вострубим трубою песней:/ преклонши бо Ся
свыше, Всецарица Мати Дева/ благословенными увенчаёт
воспевающая Ю./ Православные да стекутся/ и Царице да
восплещут в песнях, Царя рождшей,/ смертью одержимыя перее
разрешити человеколюбно благоволившаго./ Пастырие и учителя,
Добраго Пастыря Пречистую Матерь, сошедшеся, восхвалим,/ небес
пространнейшую, одушевленный Господень Кивот,/ огнезрачный
Владычень престол, манноприемную златую стамну,/ заключенную
Слова дверь, всех христиан прибежище./ И вси людие, песнями
благоглаголивыми похваляюще Ю, сиче рцем:/ Мати Слова Божия,
сподоби смиренныя ны Небеснаго Царствия,/ ничтоже бо
невозможно ходатайству Твоему.

<далее см. основной Чин>

Изменяемое №5

По полиелёи седáлен *глас 6:*

Преложение скорбящих,/ пременение болящих еси, Богородице
Всепетая:/ спаси град Твой и люди,/ боримых умирение,
обуреваемых тишино,/ едина Предстательнице верных.

Слава, и ныне, тойже

<далее см. основной Чин>

Изменяемое №6

Степенна, 1-й антифон 4-го гласа.

Прокíмен *глас 4:* Помяну имя Твое во всяком роде и роде. *Стих:*
Слыши, Дщи, и виждь,/ и приклони ухо Твое.

<далее см. основной Чин>

Изменяемое №7

По 50-м псалмé стихíра *глас 6:*

Архангельски воспоим, вернии,/ Небесный чертог и дверь запечатану воистину:/ радуйся, Еяже ради отрастé нам Спас всех Христос, Жизнодавец и Бог:/ низложи, Владычице, мучители, враги наша,/ рукою Твоею, Пречистая, упование христиан.

<далее см. основной Чин>

Изменяемое №8

Канона два. Первый канон глас 4

Пёснь 1

Ирмос: Отвёрзу уста моя,/ и наполнятся Духа,/ и слово отрыгну Царице Матери,/ и явлюся, светло торжествуя,/ и воспою, радуясь, Тоя чудеса.

Кую Ти достойную песнь принесет наше неможение,/ точию обрадовательную, ейже нас Гавриил тайно научил есть:/ радуйся, Богородице Дево, Мати Невестная.

Радуйся, благодати источнице; радуйся, лестнице и дверь Небесная;/ радуйся, свёщнице, и стáмно золотая, и горó несекóмая, Яже Жизнодавца Христа миру рождшая.

Всея моя жизни Предстательнице, от бед многих избави мя,/ да благодарственный глас воспеваю Ти, Богоневесто Пречистая,/ и будущия мя исхити муки.

Яже всем удобь послушная в скорби/ и в печали помогающая, Богородице Благая,/ благодать подаждь пети Тя дерзающим, Владычице, скорбящих Радосте.

Многобогáтную благодать стяжáвши, Владычице,/ дерзновенною Твоею молитвою преславно изми мя от напастей,/ убогаго раба Твоего, скорбящих Радосте.

Яже едина в напастех и скорбех защищающая,/ под кров Твой, Пречистая, прибегающих тепле,/ прими яко Преблагая, яже от сердца моления.

Ин канон глас 8.

Пёснь 1

Ирмос: Поим Господеви,/ проведшему люди Своя сквозе Чермное море,/ яко един славно прославися.

Моря житейского волнами потопляем и напастями лютыми одержим,/ ко пристанищу устремихся невла́емому, покрову Твоему:/ темже мя избави, Богородице, от лютых.

Положи Тя пристанище сущим в бедах, Чистая, Бог, Иже от Тебе благоволивый восприяти плоть./ Темже Ти, припадающе, взываем:/ даруй помощь Твою рабом Твоим.

Едина Благословенная и Богорадованная,/ Яже Радость человеком рождши неизреченную,/ печали отими души моя, молюся, и возвесели сердце мое.

Избави мя, Пречистая, бесовския прелести,/ озлобления же, и вреда, и искушения,/ да верю Тя славлю, сущую по Бозе Заступницу и покров мой.

Яже ненадеющихся надежда, падших исправление,/ печальных утешение, Свет Божественный рождшая,/ душу мою, сущую во тьме, просвети.

Яко Гавриил Деве, приидите, вернии, и мы вопиём благоговейно:/ воистинну украшена еси, Чистая, рождшая Радость; радуйся, Благословенная.

Песнь 3

Ирмос: Твоя песнословцы, Богородице,/ живый и независтный источнике,/ лик себе совокúпльшия, духовно утверди/ в Божественней Твоей славе,/ венцев славы сподоби.

Утверждение буди, и прибежище, и покров, Дево Богородительнице,/ верю к Тебе прибегающим и Божию Тя Матерь испове́дающим.

Крепость моя, и радость, и веселие, и стена твердая,/ и Предстательница Ты еси, Всенепорочная,/ искушений и бед избавляющи мя.

Милостивным и кротким Твоим оком, Богородительнице,/ зрящи мя во обстоянии и скорби одержима, вскоре свободи:/ Тя бо призываю на помощь.

Кропи́ши исцелений струи болящим, Дево, всюду:/ Тя бо источника показа милосердия, Владычице, Иже милости Господь,/ из Тебе рождéйся паче ума.

Источник милости, подай скорбящим утешение, Ты еси;/ темже, Владычице, и мне молитвенных Твоих вод источник источи и угаси страстей пещь.

Отчаявся по́мощи всякия,/ к Тебе, Пренепорочная, державней Хранительнице и покрову, притеко́х:/ не отрёни убо мене от Божественнаго покрóва Твоего.

Ин Ирмос: Ты еси утверждение/ притекающих к Тебе, Господи,/ Ты еси свет омраченных,/ и поет Тя дух мой.

Ты еси земнородных упование, и помощь, и радость, покров и прибежище, Владычице, Мати Живота./ Темже Тя молим: Твою помощь низпослй всем поющим Тя, Пречистая.

Иже Тобою избавльшися от бед/ и Тебе ради радость получивше, Мати Безневестная,/ яко Подательницу благую и Заступницу благохвáльну вси прославляем.

Благословен Плод чрева Твоего, Дево Богородице, всех радости:/ Радость бо всему миру родила еси и Веселие,/ разгоняющее печаль греховную, Богоневесто.

Тя Хранительницу, Пресвятая, в напастех стяжах;/ Тебе по Бозе мою Предстательницу íмам неусы́пну;/ Тебе да обрящу, Пречистая, избавляющую мя в день Судá всякаго осуждения.

Возвеличи милость и заступление, Пречистая, Твоих молитв на мне/ и избави мя от напастей и скорбей,/ Радость миру рождшая.

Яже радости приемшая исполнение, прими от нас, раб Твоих, целовáние Архáнгелово:/ радуйся, Радость рождшая миру;/ радуйся, стáмно, из Неяже манна Небесная всем верным даровася;/ радуйся, Благословенная.

Седален, глас 7: Радуйся, Солнца облаче мысленнаго и неизреченнаго, Владычице;/ радуйся, всесветлая свещё; радуйся, свёщнице всезлатый;/ Тобою, Пресвятая, Ева избавися от клятвы./ Но яко имущая дерзновение ко Благовременному Сыну Твоему и Богу,/ мáтернею молитвою не оскудей о нас мо́литися, Пречистая.

Слава, и ныне, тойже

Ирмос: Седяй в славе на Престоле Божества,/ во облаце легце/ прииде Иисус Пребожественный/ нетленною дланию и спасе зовущия:/ слава, Христе, силе Твоей.

Надеждо ненадежных, помощнице сирых,/ плачущих утешение, согрешающих очищение,/ Руководительнице заблудших, болящих Целébнице и исправление падающих,/ Владычице, спаси рабы Твоя.

Не неприча́стни есмы, Владычице, Твоего заступления в скóрбех;/ темнее и ныне нам помози́ вскоре, люте обуреваемым, руку простираючи, Чистая:/ буди милостива болезнем нашим, Мати Божия, радость скорую подаючи.

Вся Благая и теплая Заступница сущи грешником и смиренным, Богородительнице Пречистая Владычице,/ от бед и скорбей, и грехов спасай рабы Твоя.

Преславную Твою Матерь, Христé, приими молящуюся о мире, милостивно Тебе зовущую:/ Сыне Мой, прими мольбу Мою и ути́ши гнев, належа́щий земли.

Кров и заступление, и прибежище буди ми, Дево, рабу Твоему,/ и избави мя от безмерных зол, воспевати Тя, Пречистая:/ слава неизреченному Рождеству Твоему.

Надежда и щит, и утверждение Ты мне еси, Благая,/ и лютых избавление, и просвещение души моей,/ и хвала, и стена, и держава.

Ин Ирмос: Из горы приосенéнная, Слове, пророк/ единыя Богородицы,/ хотяща воплотитися, Боговидно усмотри́/ и со страхом славословите силу Твою.

От великих и различных прегрешений же и напастей всегда спасаеши мя;/ темже Тя яко рождшую Господа молю/ и к Тебе прибегаю, непобедимей по́мощи скорбящим:/ от бед изведи мольбами Твоими.

Боже мой Милосéрде, Боже Человеколюбче, Воли́телю милости,/ ныне на мя излий Твою милость:/ молит Тя надежда и Заступница моя, Мати Твоя.

Милость Твою и милосердие на рабы Твоя, Чистая, простри́,/ присно молящая Тя всякия скорби и муки избавляючи молитвами Твоими.

Радуйся, красная палáто Слова, девственный чертоже Царя;/
радуйся, похвало всех Безплотных;/ радуйся, человек радости и
помоще и упование.

Спасение подаждь ми душевное и телесное, Пренепорочная,/ и
недугующему даруй цельбú и лютых избавление.

О содѣяниих моих лукавых и прегрешениих многих кто возможет
умолити Судию,/ аще не Ты, Чистая, едина согрешающих
Заступнице.

Песнь 5

Ирмос: Ужасóшася всяческая/ о Божественной славе Твоей:/ Ты бо,
Неискусобрачная Дево,/ имела еси во утробе над всеми Бога/ и родила еси
Безлетнаго Сына,/ всем воспевающим Тя/ мир подавающая.

Ты крепость моя, Ты похвала, и радование, и Хранительница ми
еси,/ и заступление, и прибежище, и Предстательница непобедима,
Пресвятая Богородице Дево:/ темже спаси раба Твоего.

Спаси мя, Владычице, из глубины напастей, и скорбѣй, и печалей,
и страстей телесных/ и в тишине Божественной сохрани душу мою.

Молитвеннице неложная, упование христиан, Обрадованная,/
прими мольбы от нас, прилежно призывающих и молящихся Тебе.

Покров мой еси Ты и присное хваление, о Владычице
Богородице:/ никакоже бо презираеши к Тебе прибегающих.

Дом Тя Славы, гóру Божию святую, Чистая,/ Невесту, чертог, храм
освящения/ Сын Божий, в Тя вселивыйся, и рай сладости
присносущныя нам содѣла.

Стѣну необорíму, Чистая, молитву Твою стяжавше, вопием Ти:/
умилосердися, о Владычице, и видимыя и невидимыя враги
проженí.

Ин Ирмос: Мрак души моя разжени, Светодавче Христе Боже,/ началорóдную
тьму изгнав бездны,/ и даруй ми свет повелений Твоих, Слове,/ да утренюя,
славлю Тя.

Добрóту Тя Иаковлю возлюби Бог, Дево Отроковице,/ украшая вся
Тобою, омрачившияся преступлением пѣрвее.

Душу мою сохрани, яко зѣницу ока, под кровом крилú Твоею,
Благая Пречистая,/ и от духóв лукавых томления и мучения избави.

Избавльшеся Тобою праматерняя печали, Богородительнице, утешения исполнени быхом,/ Веселие всем рождшая и всемирную Радость:/ темже, Всепетая, Твоя песнословцы от бед Твоими молитвами соблюди.

Благодарим Тя, избавльшеся Тобою грехов многих, и немощей, и болезней, и недуг лютых, Пречистая Владычице:/ надежда бо еси тверда́ Твоим верным рабом.

С Божественным сошедшеся Гавриилом, возопиим Богородице верно:/ радуйся, Дево Святая, Благодатная, Господь с Тобою,/ Иже Тебе ради, потребив печаль, подаде́ миру радование.

Болящую душу мою исцели,/ рождшая всех Вземлющаго недуги, Пречистая Владычице.

Песнь 6

Ирмос: Божественное сие и всечестно́е/ совершающе прáзднество,/ Богомудрии, Богоматере,/ приидите, руками восплещем,/ от Нея рождшагося Бога славим.

Болящих Целительницу, падающих востание, согрешающих очищение, Богородице,/ Тебе молю, со слезами припадаю и зову Ти:/ яко сильна́ Сама мя спаси, погибающаго.

Ты еси стена нерушима, Ты еси покров тверд, Богородице Благая,/ Ты еси Предстательница крепка́ рабу Твоему:/ сего ради призываю Тя присно и притекаю к покрóву Твоему.

Мирови радость сущи, Богородице Чистая, радуйся, Тебе, Дево, зовем со Ангелом верно:/ Твоя радости сподоби ны и печаль нашу разори.

Сладость Ангелов, скорбящих Радость,/ христиан Предстательница Ты еси, Дево Мати Господня:/ заступи нас и избави вечных мук.

В день печали, егда имам телесных соу́з разрешитися, предстани ми, Богородительнице,/ и обдержáния бесовскаго исхити́.

Прíзри, Владычице, на мя, смиреннаго, и паче надежды спаси мя:/ Ты бо еси упование и покров ми,/ жизнь и свет сердцу моему, Богородице, и утверждение.

Ин Ирмос: Содержима мя приими, Человеколюбче, грехи многими/ и припадающа щедротам Твоим,/ яко пророка, Господи, и спаси мя.

В нощѣ и во дни, я́ве и втай под Твой прибегаем кров, Пречистая Дево,/ иже Тя верно славословящи.

В напастех Заступницу Тя има́мы твердо,/ в скорбех крепкое спасение, покой в печалех,/ в бедáх помощь, Приснодево.

Добро́та честных святых Ангел,/ радование человек всех Ты еси, Богородице Дево:/ Ты мя к животу настави.

Палата Царя Славы и огнезрачный была еси Престол, Дево,/ Херувим превыши и Серафим:/ темже Тя всякое дыхание славит, яко Матерь Зиждителя.

Радуйся, клеще́ Угля Божественнаго;/ радуйся, пророков печать и апостолов похвало́, Пречистая Богородице,/ Еяже ради от нетления свободихомся,/ бѣздну щедрот рождши, Богородице Дево,/ скóрбных жити́я душу мою спаси/ и радости духовныя двери отвори ми:/ на Тя бо едину надежду возложих.

Кондак, глас 4: Не има́мы инья помощи,/ не има́мы инья надежды,/ разве Тебе, Владычице./ Ты нам помози:/ на Тебе надеемся и Тобою хвалимся,/ Твои бо есмы раби,/ да не постыдимся.

Икос: Прости́ длáни Твоя, имиже всех Владыку яко Младенца прияла еси за множество благости:/ не остави нас, всегда надеющихся на Тя, бóдренною Твоею молитвою,/ и неисчетною просты́нею ущѣдри нас,/ и подаждь душам нашим милосердие Твое, во веки источающи,/ Тебе бо има́мы грешнии Заступницу от находящихся на ны бед и зол./ Но яко имущи милосердия щедроты,/ ускори́ на молитву и потщися на умоление,/ предстательствующи присно, Богородице, чтущих Тя.

Песнь 7

Ирмос: Не послужи́ша твари Богомудрии/ паче Создавшаго,/ но огненное прещение мужески поправше,/ радовахуся, поюще:/ препетый отець Господь и Бог, благословен еси.

Страстьми́ престарѣвша и неосла́бными напасты́ми, и скорбы́ми/ и, доспев к за́падом жития моего, добродетелем непричастен,

леностию снѣдѣн быв,/ вопию Ти, Владычице:/ утешение земным,
помилуй мя.

Радуйся, источниче присноживотныя воды;/ радуйся, раю
пщный;/ радуйся, стено верных;/ радуйся, Неискусобращная;/
радуйся, всемирная радости,/ Еюже нам возсия хвалимый отец Бог
и препрославлен.

Всем, сущим в мире, Заступница еси/ и стена христианом, и
прибежище непостыдно, Чистая Марие./ Темже верою Тя чтуще,
вопием Христу:/ отец наших Боже, благословен еси.

О благоутробия Твоего, Дево Чистая!/ Решishi бо безмерныя
печали и напасти, призывающим в нужде и обстоянии:/ темже и
ныне помози, Благословенная, Тя восхваляющим.

Едино упование и помощь верным сущи, Богородительнице,/
потщися помощи рабом Твоим, погружаемым скорбями и в болезнях
сущим,/ и прибегающим к Тебе с любовию души.

Радование благодарственное Тебе приносим, Мати Божия,/ яко
воистину Тобою избавлени всякаго злаго начинания,/ и согласно
Тебе поем: благословенна еси.

Ин Ирмос: Божия снизхождения/ огонь устыдѣся в Вавилоне иногда:/ сего ради
отроцы в пещи радованною ногою,/ яко во цветнице, ликующе, пояху:/
благословен еси, Боже отец наших.

Водворихомся в вечер в плачи печалей и чаянии злых,/ но Твоим
Боголепным кровом, Дево, обожени бывше,/ обретохом радость
заутра:/ Ты бо спасла еси нас.

Яко Божественное прибежище покров Твой, Владычице, вси
стяжавше к Богу,/ в напастех и гонениях, и гресех к Тебе прибегаем/
и Тобою изменение приемлем, Пречистая.

Грешников прибежище, низверженных исправление Ты еси,
Владычице:/ сего ради притекаю к покрову Твоему,/ спаси мя,
Богоневесто.

В недоумении и печали сый и в бедях, Пречистая,/ Тя призываю
тепле от сердца моего:/ предвари, и избави мя, и подаждь, Чистая,
мне утешение.

Благословенная Дево, Радосте скорбящих всех верных,/ от всякаго искушения и печали, и злобы завидящих мне изми/ и от грех и различных недуг мя избави.

Вся еси светоносна, Свет незаходимый, Дево, приемши и просвещающи, Чистая, верою Тебе вопиющия:/ Благословен, Пречистая, Плод Твоего чрева.

Песнь 8

Ирмос: Отроки благочестивыя в пещи/ Рождество Богорбдичо спасло есть:/ тогда убо образуемое,/ ныне же действуемое,/ вселенную всю воздвизает пети Тебе/ Господа пойте делá/ и превозносите Его во вся веки.

Радуйся, Престоле славный Божий;/ радуйся, верных стенó, Еюже сущим во тьме возсия Свет, Христос,/ Тебе блажащим и вопиющим:/ вся дела Господня, Господа пойте и превозносите во вся веки.

Поем Тя, Пречистая и Мати Божия,/ и кто не славит Тя, воистину Благою, сущую надежду душ наших,/ темже, Пречистая, и мою мольбу приими.

Ты еси спасение всех человек, Яже Бога рождая неизреченно;/ Ты еси верных спасительница, Богородице, и слепых наставница, и падающих исправление./ Темже Тя восхваляюще, Христу зовем:/ благословите вся дела Господа, пойте и превозносите Его во вся веки.

Струй исцелений нам всегда, верным, Чистая, источаеши:/ темже независтную благодать вземлюще,/ воспеваем Рождество Твое, Чистая, и превозносим во вся веки.

На Тя возложих, Владычице, сердце, и душу, и тело: не имам бо иныя надежды, разве Тебе, еюже получу милость./ Темже подаждь ми богатую Твою благодать.

На мольбу мою ныне умилосердися и радость в печали место даруй ми,/ да пою Тя, Владычице, и вопию Сыну Твоему:/ благословите, вся дела Господня, Господа.

Ин Ирмос: На горе святей прославльшася/ и в купинé огнем/ Приснодевы Моисеови тайну явльшаго,/ Господа пойте/ и превозносите во вся веки.

Вся еси Чистая и Божественныя славы исполнена, Ближняя Моя,/ рече Дух Божий, Тя провозвещаая, Пречистая./ Юже песнями

воспеваем, поюще:/ тебе подобает радоватися, Бога Человека рождшей.

Ангелов похвалó и человеков спасение,/ и Спорúчица буди ми, Мати Божия:/ яко да обращаýся и прииму разрешение прежде согрешенных в вéдении и не в ведении.

Тя по Бозе упование спасения в напастех имúще, вернии, взываем:/ вся дела Господня, Господа пойте/ и превозносите Его во веки.

Приими́ песнь от худых устéн, Дево Всепетая, вопиющих Ти:/ радуйся, болящим телесем врачевствó и отчаянным душам спасение.

В болезнех и напастех одержимыя не прéзри, Благая:/ но мольбу худую услышавши, свободи нас от скорбей великих,/ да верно Твою милость и заступление, Чистая, воспеваем.

Стоящих утверждение еси и падших исправление, Дево:/ темже мя, падшаго, возстави,/ да Тя славлю, Благословенную и Обрадованную.

Пéснь Богорóдицы: Вели́чит душá мойá Гóспода: <см. основной Чин>

Песнь 9

Ирмос: Всяк земнородный/ да възиграется, Духом просвещаем,/ да торжествует же Безплотных умов естество,/ почитающее священное торжество Богоматере,/ и да вопиет:/ радуйся, Всеблаженная/ Богородице, Чистая Приснодево.

Радуйся, Марие, великое всея твари чудо;/ радуйся, Дщи убо Давидова, Господня же Мати;/ радуйся, пение Гавриилово;/ радуйся, прибежище и утверждение, и помощь всем, Пресвятая, сущим на земли грешником.

Юже извóлил еси, Владыко, прими милостивно Молитвенницу, Мать Твою, о нас,/ и Твояя благодати всяческая исполнятся:/ да Тя вси яко Благодетеля величаем.

О Дево Благая! О мира радости и прибежище!/ О хранилище верных и избавление скорбéй!/ Ты предстáни ми в час смерти и избави от бесóв, ищущих поглотíти мя.

Ты еси Ангелов радость, Ты еси праведников доброта,/ Ты еси верных надежда, Ты еси соблюдение наше,/ Ты еси мост, к жизни нестаряющейся преводяй верою и любовью Тя величающия.

О Мати всяческих Творца,/ всесветлая печальных утѣхо, оскорбляемых Предстательнице и немощных Заступнице,/ сохрани мя, Благая, от бед и прилог вражиих.

Едина болящих посещение, Едина падших исправление, Владычице,/ Едина к Богу Руководительнице и входе,/ Едина Ходатаице вечных благ,/ помилуй мя единого, паче всех согрешившаго.

Ин Ирмос: *Благословен Господь Бог Израилев,/ воздвигнувший рог спасения нам/ в дому Давидове, Отрока Своего:/ в нихже посети нас Восток с высоты/ и направил ны есть на путь мира.*

Радости нам вечныя и жизни явилася еси преестественне, Богородительнице, Ходатаица, Чистая,/ Спаса всех рождающая, от лица земнаго всяку слезу яве отъемшаго и всем радость подавшаго.

Радость и веселие, и радование Божественное, Дево Неискусомужная, нам умножися Божие:/ се бо, плачущиися люте, радуемся молитвами Твоими.

Под Твое милосердие прибегающии верою избавляются скорбных бед жития:/ темже и аз ко Твоему покрову прибегох, Богородице.

Псалмы Тя воспеваем, Благодатная,/ и немолчно, еже радуйся, приносим:/ Ты бо источила еси всем Радость.

Искапающая Божественную сладость, всех Сладость рождающая,/ душу мою услади, ядом змииным огорченную,/ отчуждаючи мя горькаго вреда всегда ходатайством Твоим,/ Предстательнице и радости верных, Владычице.

Благословя, благословлю Тя, Пречистая, и величаю тепле:/ благослови мя убо, Твоего певца,/ и всяческих нуждных и печальных избави, и сохрани Твоими дланьми непобедима.

<далее см. основной Чин>

Изменяемое №9

Светилен:

Под кров Твой, Дево Госпоже, прибегаем/ вси рѣди человечести:/ просвети ны светом Рождества Твоего,/ грешныя рабы Твоя,/

молящихся прилежно и поклоняющихся Тебе,/ и просящих умирения мiрови/ и душам нашим велия милости.

<далее см. основной Чин>

Изменяемое №10

На стихóвне стихiры:

Яко всех вiшшу сущую Небесных и земных,/ Херувим сла́внейшую и всея твари честнiйшую,/ Тебе, Заступницу и покров державен, христианскому роду Христос дарова/ покрывати и спасати люди согрешшия, к Тебе прибегающия;/ темже прибежище всем Тебе воспеваем, Владычице,/ и честный и благознаменитый Твой праздник,/ обра́дованная радости всех, празднуем свiтло,/ Христа моляще даровати нам Тобою велию милость.

Стих: Слыши, Дщи, и виждь,/ и приклони ухо Твое.

Глас 5: Воспоим, людие,/ свiтло Давiдскую песнь Отроковице Богоневесте,/ Матери всех Царя Христа:/ предста Царица одесную Тебе, Владыко,/ рiсны златыми одеяна/ и преукрашена Божественными лiпотами./ Сию бо, избранную в женах, паче всего мира удобрив,/ благоизвóли родитися из Нея великия ради милости,/ и Сию Помощницу людем Своим дарова́/ строити и покрывати от всех бед рабы Своя,/ едину Благословенную.

Стих: Лицу Твоему помóлятся/ богатии лю́дстии.

Глас 7: Гóра еси велика и преславна, паче горы Синайския, Богородице:/ та́я бо, не терпящи снития Славы Божия во образех и сенех, огнем возгарашеся,/ и громи, и молния тамо быша./ Ты же во чреве Твоем Божие Слово,/ весь Божественный Огнь сущее,/ неопально носила еси,/ манием Носящаго вся./ Темже не престай, Владычице, рабы Твоя присно милостию посещати:/ прияла бо еси от Сына Твоего и Бога дар/ стрóити и покрывати христоименитое стадо Твое.

Слава, и ныне, глас 4: Прiзри на моления Твоих раб, Всенепорочная,/ утоляющи лютая на ны востания,/ всякия скорби нас изменяющи:/ Тя бо едину, твердое и известное утверждение, имамы/ и Твое предстательство стяжа́хом,/ да не постыдимся, Владычице, Тя призывающии./ Потщися на умоление Тебе верно вопиющих:/

радуйся, Владычице, всех помощи, радости и покрове, и спасение душ наших. <далее см. основной Чин>

Утром 6 ноября

Изменяемое №11

По 1-м стихословии седальны глас 6:

Утоли́ болезни многовоздыхающия души мояя,/ утолившая всяку слезу от лица земли:/ Ты бо человеков болезни отгоняеши/ и грешных скорби разрешаеши,/ Тебе бо вси стяж́ахом надежду и утверждение,/ Пресвятая Мати Дево.

Сла́ва, и ны́не, Богоро́дичен: <далее см. основной Чин>

Изменяемое №12

По 2-м стихословии седальны глас 6:

Упование мира, Благая Богородице Дево,/ Твое и единое страшное предстательство просим:/ умилосердися на люди беспомощныя/ и моли Милостиваго Бога/ избавитися душ́ам нашим от всякаго прещ́ения, едина Благословенная.

Сла́ва, и ны́не, Богоро́дичен: <далее см. основной Чин>

Изменяемое №13

Тропа́рь глас 8:

Ко источнику приснотекущему милосердия,/ Пречистой Деве Богородице,/ притецем, людие вси, священницы же и иноцы,/ мужие, и жены, и чада, здравии и болящие,/ в покаянии вопиюще и умильно глаголюще:/ Владычице, помози грешным рабом Твоим,/ яви яко Благая славу Твою,/ присно потщися умилосердиться на ны,/ испросите очищение душ и телес наших/ от Источника жизни нашея, Бога,/ егоже родила́ еси, едина Благословенная.

Ин тропарь, глас 4:

Днесь пресветло красуется славнейший град Москва,/ имея чудотворную икону Владычицы нашея Богородицы:/ та бо, верным являющи чудеса,/ низпосылает да́ры целебныя./ Сего ради и мы с верою припадающе молимся,/ и на То́я пречистый образ взирающе,/ яко истинную Самую зрим Владычицу нашу Приснодеву Богородицу,/ и умильно глаголем:/ воззри, Мати Божия, оком милости,/ простри́ к нам руке Твои пречистыя,/ якоже на иконе Твоей

сие зрится,/ и подаждь всем скорбящим радость,/ больным от всех недугов исцеление и от бед избавление,/ яко Ты еси скорая Предстательница о душах наших.

<далее см. основной Чин>

Изменяемое №14

На хвалитех стихирь:

Стѹх: Сотвори́ти в них суд напѹсан./ Сла́ва сия́ бѹдет всем преподо́бным Егѹ.

Стѹх: Хвалѹте Бо́га во святы́х Егѹ,/ хвалѹте Егѹ во утвер́жѣнии си́лы Егѹ.

Стѹх: Хвалѹте Егѹ на си́лах Егѹ,/ хвалѹте Егѹ по мно́жеству вели́чества Егѹ.

Глас 2: Приидите, возрадуемся державней Заступнице рода нашего,/ Царице Богородице,/ приидите к тихому и чудному Ея Покрѹву, веселящеся./ Дарует бо Богородица верным обильныя да́ры целебныя/ от неистошимаго источника милости;/ тьмы избавляет нас искушений и бед, и обстояний,/ благочестно и Богоприятно прославляющих и чтущих Ю/ яко Всеблагословенную и Пречистую Матерь Христа Бога./ Темже радостно к Ней воззовем:/ радуйся, палато Слова;/ радуйся, Невесто Невестная;/ радуйся, радости наша;/ радуйся, Мати Живота,/ благословен Плод чрева Твоего.

Стѹх: Хвалѹте Егѹ во гла́се тру́бнем,/ хвалѹте Егѹ во псалтѹри и гу́слех.

Приидите, возрадуемся державней Заступнице рода нашего,/ Царице Богородице,/ приидите к тихому и чудному Ея Покрѹву, веселящеся./ Дарует бо Богородица верным обильныя да́ры целебныя/ от неистошимаго источника милости;/ тьмы избавляет нас искушений и бед, и обстояний,/ благочестно и Богоприятно прославляющих и чтущих Ю/ яко Всеблагословенную и Пречистую Матерь Христа Бога./ Темже радостно к Ней воззовем:/ радуйся, палато Слова;/ радуйся, Невесто Невестная;/ радуйся, радости наша;/ радуйся, Мати Живота,/ благословен Плод чрева Твоего.

Стѹх: Хвалѹте Егѹ в тимпа́не и ли́це,/ хвалѹте Егѹ во стру́нах и орга́не.

Радуйся, Всеблагословенная Марие, Мати Христова;/ радуйся, сущая радости всего мира;/ радуйся, Всеблагая Христианом Помощнице;/ радуйся, обидимых Заступнице;/ радуйся, недугующим скорое и известное прибежище;/ радуйся, сирым и вдовицам Божественное утешение;/ радуйся, всех алчущих покрове

и Питательнице;/ радуйся, всем сущим в бедѣх скорое избавление;/ радуйся, Богоневесто Владычице, упование христиан.

Стѹх: Хвалите Егѡ в кимвѣлех доброгласных, хвалите Егѡ в кимвѣлех восклицанія./ Всякое дыханіе да хвалит Господа.

Радуйся, всех христиан надеждо и покрове, Богомати Всенепорочная,/ всея твари честнейшая, Небесных и земных сла́внейшая:/ всех бо родила еси Творца и Бога./ Но, о Владычице, прими́ милостивно моления наша/ и спасай нас всегда яко Благая и Милостивая:/ да с веселием лобызаем пресвятую Твою икону/ и присно, радуящеся, восхваляем и величаем Тя,/ Обрадованная Радосте верных раб Твоих.

Слава, глас 6: Днесь собѡри верных,/ сошедшеся, духовно да торжествуем/ и Богоотроковицу Деву и Богородицу/ песнями благохвальными ублажим, глаголюще:/ радуйся, едина Избранная от всех родѡв в Матерь Превечнаго Слова;/ радуйся, вместилище Невместимаго всеми;/ радуйся, Ангелов и Серафимов радости;/ радуйся, пророков проповедание и похвалѡ;/ радуйся, Апостолов и святителей удобрение;/ радуйся, мучеников крепосте и всех праведных славо;/ радуйся, державный покрове верных;/ радуйся, скорбящих Божественное утешение;/ радуйся, в бедѣх и напастех сущим скорое избавление;/ радуйся, грешников всех прибежище и Благая Заступнице;/ радуйся, Благодатная и Обрадованная, с Тобою Господь,/ подай мѡрви Тобою велию милость.

И ны́не, Богорѡдичен: <см. основной Чин>

Изменяемое №15

Кондак глас 6:

Не ѡмамы инѡя пѡмощи,/ не ѡмамы инѡя надѣжды,/ рѡзве Тебѣ, Владычице./ Ты нам помози:/ на Тебѣ надѣемся и Тобѡю хвалимся,/ Твой бо есмѡ рабѡ, да не постыдимся.

<далее см. основной Чин>

На Литургии

Изменяемое №20

Прокимен, *глас 3*: Величит душа Моя Господа, / и возрадовася дух Мой о Бóзе, Спасе Моём. *Стих*: Яко призрѣ на смирение Рабы Своея, се бо отныне ублажат Мя вси роди.

Другий прокимен, *глас 6*: Помяну имя Твое / во всяком роде и роде. *Стих*: Отрыгну сердце мое слово благо.

Изменяемое №21

Аллилуиа, *глас 8*: Слыши, Дщи, и виждь, и приклони ухо Твое. *Стих*: Лицу Твоему помолются богати людстии.